

UGOVOR

o sufinansiranju zapošljavanja asistenata, viših asistenata, stručnih saradnika, naučnih istraživača u javnim univerzitetima/sveučilištima u Federaciji BiH

zaključen između :

1. **Javne ustanove «Služba za zapošljavanje Kantona Sarajevo» - Sarajevo, ul. Đoke Mazalića broj 3, koju zastupa Muhamed Bekto, v.d. direktor (u daljem tekstu: Služba) i**
2. **Fakultet zdravstvenih studija , ul. Bolnička br. 25 - Sarajevo, kojeg zastupa Arzija Pašalić, v.d. dekan (u daljem tekstu: Poslodavac).**

PREDMET UGOVORA

Član 1.

Ovim ugovorom regulišu se međusobna prava i obaveze Službe, kao davaoca sredstava i Poslodavca, kao korisnika sredstava, u cilju realizacije Programa sufinansiranja zapošljavanja u javnim univerzitetima/sveučilištima u Federaciji BiH (u daljem tekstu: Program), u skladu sa Sporazumom o međusobnoj saradnji u realizaciji Programa od 05.10.2017. godine.

PRAVA I OBAVEZE UGOVORNIH STRANA

Član 2.

Poslodavac se obavezuje zaposliti jednu (1) osobu VSS, a koje se nalazi na evidenciji nezaposlenih u Kantonu Sarajevo prije 05.10.2017.godine.

Član 3.

Sa osobom iz člana 2. ovog ugovora Poslodavac će zaključiti ugovor o radu na puno radno vrijeme i to u trajanju od 12 mjeseci.

Poslodavac je obavezan dostaviti Službi tri primjerka Ugovora o radu iz prethodnog stava (jedan original i dvije ovjerene fotokopije), ovjerenu fotokopiju obrasca JS 3100 (Prijava/Promjena/Odjava osiguranja prethodno zaprimljena i ovjerena u Poreskoj upravi) i broj računa u banci (ako je poslodavac budžetski korskornik šifra budžetskog korisnika).

Član 4.

Služba će na osnovu ovog ugovora Poslodavcu mjesečno refundirati novčana sredstva, u iznosu od 800,00 KM po jednoj novouposlenoj osobi za isplatu plaće i uplatu zakonom propisanih poreza i doprinosa.

Svi drugi eventualni troškovi padaju na teret Poslodavca.

Član 5.

Poslodavac zadržava pravo da na račun vlastitih sredstava, angažovanoj osobi iz člana 2. Ugovora, isplaćuje plaću u većem iznosu od ugovorenog. Visina neto plaće za osobu iz člana 2. ovog ugovora definiše se ugovorom o radu.

Član 6.
Sredstva iz člana 4. ovog ugovora refundirat će se do kraja tekućeg mjeseca za prethodni mjesec, uz prethodno dostavljanje dokaza o isplati plaća i zakonom propisanih poreza i doprinosa (potpisane i ovjerene platne liste, specifikacije plaća ovjerene u Poreznoj upravi Federacije BiH i kopije izvoda banke iz kojih je vidljiva isplata pojedinačnih plaća za sufinansirane osobe), i to u periodu koliko traje Program.

Član 7.
Poslodavac ne može otkazati ugovor o radu iz člana 3. stav 1. ovog ugovora, niti vršiti zamjenu sufinansirane osobe bez prethodne saglasnosti Službe.

Član 8.
Ukoliko Poslodavac ne izvršava preuzete obaveze iz ovog ugovora, Služba raskida ugovor, a Poslodavac je obavezan vratiti uplaćena sredstva, uz obračun zakonom propisane zatezne kamate.

Član 9.
Za praćenje provođenja ovog ugovora nadležni su Sektor za podsticajne mjere zapošljavanja i informatiku i Sektor za ekonomske poslove i trezor..

ZAVRŠNE ODREDBE

Član 10.
Potpisivanjem od strane Službe i Poslodavca, potvrđuje se da su obje strane upoznate sa sadržajem ovog ugovora.

Član 11.
U slučaju spora u vezi sa izvršavanjem, isti će se rješavati sporazumno. Ukoliko se sporazum o rješavanju eventualnih sporova ne postigne, za rješavanje spora po ovom ugovoru nadležan je sud u Sarajevu.

Član 12.
Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

**JU « Služba za zapošljavanje
Kantona Sarajevo» Sarajevo**

VD DIREKTOR,

Munamed Bekto

Broj:04/1-34-07-zju/18
Sarajevo, 08.10.2018. godine



**FAKULTET ZDRAVSTVENIH
STUDIJA**

VD DEKAN

Broj: 01-1-1731/18
Sarajevo, 22. 10. 2018.